
BWRDD UCHELGAIS ECONOMAIDD GOGLEDD CYMRU
22/09/23

Yn bresennol:

Aelodau â Phleidlais – Y Cyngorwyr:- Barry Mellor (Cyngor Sir Ddinbych), Llinos Medi Huws (Cyngor Sir Ynys Môn), Mark Pritchard (Cyngor Bwrdeistref Sirol Wrecsam), Charlie McCoubrey (Cyngor Bwrdeistref Sirol Conwy) a Dyfrig Siencyn (Cyngor Gwynedd) (Cadeirydd).

Ymgynghorwyr – Dafydd Evans (Grŵp Llandrillo Menai), Dr Maria Hinfelaar (Prifysgol Wrecsam) a'r Athro Paul Spencer (Prifysgol Bangor).

Prif Swyddogion – Dylan Williams (Cyngor Sir Ynys Môn), Rhun ap Iarll (Cyngor Bwrdeistref Sirol Conwy), Andrew Farrow (Cyngor Sir y Fflint), Sioned Williams (Cyngor Gwynedd), David Fitzsimon (Cyngor Bwrdeistref Sirol Wrecsam) a Graham Boase (Cyngor Sir Ddinbych).

Swyddogion yn bresennol -

Awdurdod Lletya:- Dewi A. Morgan (Swyddog Cyllid Statudol), Iwan Evans (Swyddog Monitro), Sian Pugh (Pennaeth Cyllid Cynorthwyol) ac Eirian Roberts (Swyddog Gwasanaethau Democratiaeth).

Uchelgais Gogledd Cymru:- Alwen Williams (Cyfarwyddwr Portffolio), Hedd Vaughan-Evans (Pennaeth Gweithrediadau), Nia Medi Williams (Uwch Swyddog Gweithredol) a David Mathews (Rheolwr Rhaglen Tir ac Eiddo).

Sylwedydd – Dewi Williams (Llywodraeth Cymru).

1. YMDDIHEURIADAU

Derbyniwyd ymddiheuriadau gan:-

- Y Cyngorydd Ian Roberts (Cyngor Sir y Fflint);
- Y Cyngorydd Jason McLellan (Cyngor Sir Ddinbych) gyda'r Cyngorydd Barry Mellor yn dirprwyo;
- Yana Williams (Coleg Cambria);
- Yr Athro Edmund Burke (Prifysgol Bangor) gyda'r Athro Paul Spencer yn dirprwyo;
- Ian Bancroft (Cyngor Bwrdeistref Sirol Wrecsam) gyda David Fitzsimon yn dirprwyo;
- Dafydd Gibbard (Cyngor Gwynedd) gyda Sioned Williams yn dirprwyo
- Neal Cockerton (Cyngor Sir y Fflint) gydag Andrew Farrow yn dirprwyo.

Croesawodd y Cadeirydd y dirprwyon i'r cyfarfod.

2. DATGAN BUDDIANT PERSONOL

Ni dderbyniwyd unrhyw ddatganiadau o fuddiant personol.

3. MATERION BRYD

Ni chodwyd unrhyw faterion bryd.

4. COFNODION Y CYFARFOD BLAENOROL

Llofnododd y Cadeirydd gofnodion y cyfarfod blaenorol a gynhaliwyd ar 21 Gorffennaf, 2023 fel rhai cywir.

5. CYLLIDEB REFENIW A CHYFALAF 2023-24 – ADOLYGIAD DIWEDD AWST 2023

Cyflwynwyd yr adroddiad gan Sian Pugh (Pennaeth Cyllid Cynorthwyol).

PENDERFYNWYD

- (1) **Nodi a derbyn adolygiad refeniw diwedd Awst 2023 y Bwrdd Uchelgais (Atodiad 1 i'r adroddiad).**
- (2) **Nodi a derbyn diweddariad cronfeydd wrth gefn y Bwrdd Uchelgais (Atodiad 2).**
- (3) **Cytuno ar broffil gwariant cyfalaf diwygiedig y Bwrdd Uchelgais (Atodiad 3).**

RHESYMAU DROS Y PENDERFYNIAD

- (1) Nodi tanwariant a ragwelir o £266,683 yn erbyn y gyllideb refeniw yn 2023/24 sydd yn bennaf oherwydd llwyddiant y Swyddfa Rheoli Portffolio gyda'u cais Cronfa Ffyniant Gyffredin rhanbarthol. Bydd y tanwariant terfynol ar ddiwedd y flwyddyn ariannol yn cael ei ddefnyddio i leihau'r swm a hawli'r grant y fargen dwf a'r gronfa a glustnodir.
- (2) Nodi llithriad pellach ar y rhaglen gyfalaf, gydag amcangyfrif o wariant o £7.13m yn 2023/24 o'i gymharu â chyllideb gymeradwy o £11.25m ar gyfer y flwyddyn.

TRAFODAETH

Nodwyd yr angen i gydnabod a gwerthfawrogi gwaith y tîm yn tynnu arian y Gronfa Ffyniant Gyffredin (SPF) i lawr.

Nodwyd, er bod y sefyllfa bresennol yn sefydlog, bod y Bwrdd yn nodi'r heriau ariannol sy'n ei wynebu i'r dyfodol, ac y bydd rhaid cynnal trafodaethau hynod o anodd dros y misoedd nesaf.

Holwyd a oedd y llog gwell na'r disgwyl ar y balansau eleni yn ffactor sylweddol wrth symud ymlaen. Mewn ymateb, eglurwyd bod y llog yn debygol o fod dros £2m eleni, ond y golygai hynny y byddai ein costau benthyca yn uwch yn y dyfodol, ac y byddai'r llog yn cyfrannu tuag at hynny.

6. DATGANIAD LLYWODRAETHU BLYNYDDOL

Oherwydd bod y Cadeirydd yn cael problemau technegol, cadeiriwyd y cyfarfod gan yr Is-gadeirydd, y Cynghorydd Mark Pritchard, yn ystod y drafodaeth ar yr eitem hon.

Cyflwynwyd yr adroddiad gan Hedd Vaughan-Evans (Pennaeth Gweithrediadau).

PENDERFYNWYD derbyn a chymeradwyo'r Datganiad Llywodraethu Blynyddol.

RHESYMAU DROS Y PENDERFYNIAD

Mae Rheoliadau Cyfrifo ac Archwilio (Cymru) (Diwygio) 2018 yn gosod gofynion penodol ar gyrf ffurfiol sydd yn gweithredu trefniadau rheoli partneriaethol trwy gydbwyllgorau ffurfiol.

Gofyniad Rhan 5 yw i'r Cydbwyllgor adolygu a chymeradwyo datganiad rheolaeth fewnol. Mae'r Datganiad Llywodraethu Blynyddol wedi ei ddarparu i gyd-fynd â'r gofyniad hwn. Mae'r ddogfen wedi ei pharatoi i gynnig fframwaith i weithrediad y Bwrdd Uchelgais.

TRAFODAETH

Gan gyfeirio at y tabl ar dudalen 13 o'r fersiwn Saesneg o'r Datganiad Llywodraethu, nodwyd bod yna ddwy seren wrth ochr yr Asesiad Hyder Cyflawni Ambr ar gyfer Porth Caergybi, ond dim esboniad pellach ynglŷn â hynny. Mewn ymateb, eglurwyd:-

- Bod y ddwy seren yn cyfeirio at y ffaith ein bod, ar y pryd, yn aros i Lywodraeth Cymru arwyddo'r Gorchymyn Adolygu Harbwr, oedd yn cael ei weld gan y tîm fel risg sylweddol y tu allan i reolaeth y prosiect ei hun.
- Bod Llywodraeth Cymru bellach wedi arwyddo'r Gorchymyn, ac felly bod y risg honno wedi'i dileu.
- Mai unig bwrpas yr un seren wrth ochr y cyfeiriad at Adolygiad Porth 2 AAP ar gyfer y Prosiect yr Ychydig % Olaf oedd i egluro ystyr AAP, ond nad oedd yr esboniad hwnnw wedi'i gynnwys yn y ddogfen chwaith.
- Y byddai'r sêr hyn yn cael eu hychwanegu i'r fersiwn derfynol o'r Datganiad.

Nodwyd nad oedd yna unrhyw sêr gyferbyn â'r prosiectau yn y fersiwn Gymraeg o'r Datganiad, ac eglurwyd y byddai'r tîm yn diwygio'r fersiwn honno yn ogystal, ac yn sicrhau cysondeb rhwng y ddwy iaith.

Dechreuodd y cyfarfod am 10.30yb a daeth i ben am 10.50yb.

Cadeirydd